

Жуманинг фазилатларидан баҳраманд бўлиш



18:30 / 13.03.2022 1935

نَمَّ لِقَاقِ مَلَسَوِ وَيَلَعُ لَلِجَلِّ لِيَصَّيَّبَنَّ لِنَعُ، عُنَّ لَلِجَلِّ يَضَرَّ رَءِيْرُهُ يَبْأَنَّ ع
هُنَّ بَ أَمْ هَلْ رَفَّغَتْ صَنَنْ أَوْ عَمَّتْ سَأُو أَنْ دَفَّ عُمُّ جَلِّ لِيَتَأْتُمْتُ، ءَوْضُ وُلَّ نَسْحَافُ أَضَوْت
مُ لِسُمْ وَّيْ ذِمَّرْتَلْ هَ أَوْر. اَعْلَ دَقَفَ اصْحَلَّ سَمَّ نَمَّ وَّيْمَ أَيَّ لَثْ ءَدَايَ زَوَّ عُمُّ جَلِّ لِنَبَّ وَّ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Ким яхшилаб таҳорат қилса-ю, сўнгра Жумъага бориб, (имомга) яқинлашса, тингласа, жим ўтирса, унинг бу билан ўтган Жумъа орасидаги ва яна зиёда уч кунлик (гуноҳлари) мағфират қилинади. Ким майда тошларни тўғрилаб олса, ортиқча иш қилибди», дедилар».

Термизий ва Муслим ривоят қилганлар.

Бу ривоятда Пайғамбар соллаллоҳу алайҳи васаллам Жуманинг бир неча одобларини баён қилмоқдалар:

1. Жумага яхшилаб таҳорат қилиб бориш.

Бориб, сўнгра таҳорат қилиш ёки бир оз ўтириб, кейин таҳоратга чиқиш яхши эмаслиги шундан кўриниб турибди. Бу мулоҳазани ҳеч унутмаслик керак.

2. Иложи борича имомга яқинроқ бўлишга ҳаракат қилиш. Чунки имомга қанчалик яқин бўлса, киши хутбани шунчалик яхши эшитади. Жума кунининг асосий ишларидан бири ҳам хутба тинглашдир.

3. Хутбани яхшилаб тинглаб, ундан фойда олиш.

Чунки одатда Жума хутбаларида фойдали ваъз-насихатлар қилинади.

4. Жим ўтириш.

Жим ўтирган одам ўзи хутбани яхши эшита олмаса ҳам, бошқаларга халақит бермайди. Жим ўтирмаган одам эса ўзи ҳам эшитмайди, ўзгаларга ҳам эшиттирмайди. Шунинг учун хутбани ўзи эшитмаган тақдирда ҳам, жим ўтириши керак.

5. Намоз ўқийдиган жойдаги майда тошларни текислаш ва шунга ўхшаш ишлар билан машғул бўлмаслик. Аксинча, Жуманинг фазилатларидан кўпроқ баҳраманд бўлиш учун зикр ва ибодат билан машғул бўлиш керак.

Ҳанафий мазҳаби уламолари бу ҳадисдаги «тингласа, жим ўтирса» деган иборалардан ва тошларни текислашга ҳам рухсат берилмаганлигидан имом хутба қилаётганида намоз ўқиб бўлмаслигини олганлар.

Муҳими, юқоридаги шартларни бажо келтирган мўмин кишининг икки Жума орасидаги гуноҳлари ва яна қўшимча уч кунлик гуноҳлари мағфират қилинишини унутмаслик лозим.

«Ҳадис ва ҳаёт» китоби асосида тайёрланди